



JUDICIAL SYSTEM MONITORING PROGRAMME

PROGRAMA MONITORIZASAUN SISTEMA JUDISIAL

Komunikadu Imprensa

30 Abril 2013

PN fó Posse ba Estrutura Komisaun Nasionál Ba Elisaun Jose da Costa Belo Eleitu Nu'udár Prezidente CNE

Parlamentu Nasionál iha loron 30 Abril 2013 fó posse ba Estrutura Komisaun Nasionál ba Elisaun (CNE) ba mandatu 2013 to'o 2019. Posse ne'e hala'ó simbolikamente ba membru efetivu hamutuk 15 la inklui membru suplente nain 9. Jose da Costa Belo, eleitu nu'udar Prezidente CNE hafoin simu posse liu husi prosesu votasaun sekretu husi membru efetivu sira.

JSMP kongratula nomeasaun ba estrutura foun Komisaun Nasionál ne'e inklui ba nomeasaun Prezidente foun ba CNE nian.

JSMP espera katak ho nomeasaun ba estrutura foun ne'e bele hametin liu tan papel CNE nian ba tinan 7 mai iha prosesu hametin demokrasia iha prosesu elisaun sira tuir mai. CNE nu'udar orgaun independente ho misaun ne'ebé prinsipal atu asigura igualdade ba tratamento no ba oportunidade husi sidadaun sira iha prosesu eleitorais," dehan Diretór Ezekutivu JSMP, Luis de Oliveira Sampaio.

Seremonia tomada posse ba estrutura foun CNE nian hamutuk ema nain 24 ne'ebé nain 15 nu'udar membru efetivu no nain 9 sira seluk nu'udar suplente. Membru hirak ne'e hili husi Prezidente da Repúblika nain 4, husi Parlamentu Nasionál nain 4, husi governu nain 4, husi Majistradu Judisial nain 4, husi igreja Katólíka nain 2, husi igreja Protestante nain 2 no husi organizasaun representante fetu nain 2.

Partisipa iha seremonia tomada posse ne'e, Vice Primeíru Ministru ba asuntu Sosial Fernando Lasama de Araújo no membru governu sira, representante korpu diplomatiku, representante igreja sociedade sivíl nomos mídia sira.

Atu hetan informasaun kle'an favor kontaktu direktamente:

Luis de Oliveira Sampaio
Diretór Ezekutivu JSMP
Diresaun e-mail: luis@jsmp.minihub.org
Landline: 3323883 / 77810637
www.jsmp.tl